



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

პროგრამის შინაარსი

პროგრამის სახელწოდება (ქართულად და ინგლისურად)	შორეული აღმოსავლეთი. სინოლოგია Far East Studies. Sinology
მისანიჭებელი კვალიფიკაცია (ქართულად და ინგლისურად)	სინოლოგიის ბაკალავრი Bachelor of Sinology
პროგრამის მოცულობა კრედიტებით და მათი განაწილება	კრედიტების მოცულობა: 180 ECTS კრედიტი სწავლის ხანგრძლივობა: არანაკლებ 6 სემესტრისა • 55 ECTS კრედიტი ეთმობა ჰუმანიტარული კომპეტენციების საბაზისო სასწავლო კურსებს (მათ შორის 15 ECTS კრედიტი განსაზღვრულია ე.წ. თავისუფალი კრედიტებისთვის (სტუდენტს ეძლევა შესაძლებლობა, რომ თავისი პროფესიული თუ პიროვნული განვითარების მიზნით, როგორც სასპეციალიზაციო პროგრამიდან, ისე მთელი უნივერსიტეტის მასშტაბით, აირჩიოს ნებისმიერი სასწავლო კურსი (მათ შორის, დამატებითი უცხოური ენა). • 125 ECTS კრედიტი განკუთვნილია სწავლების ძირითადი სფეროს სასწავლო კურსებისთვის; მათ შორის 10 ECTS კრედიტი განკუთვნილია საბაკალავრო ნაშრომისთვის
სწავლების ენა	ქართული ენა
პროგრამის ხელმძღვანელი/ხელმძღვან ელები /კოორდინატორი	ისტორიის მეცნიერებათა დოქტორი, თსუ ასოცირებული პროფესორი, ნანა გელაშვილი
პროგრამაზე დაშვების წინაპირობა	ერთიანი ეროვნული გამოცდები უცხო ქვეყნის მოქალაქეების ჩარიცხვა ხდება კანონმდებლობით დადგენილი წესის შესაბამისად.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

საგანმანათლებლო პროგრამის მიზანი	შორეული აღმოსავლეთი. სინოლოგიის საბაკალავრო პროგრამის მიზნებია: კურსდამთავრებული უზრუნველყოს მაღალი სტანდარტების შესაბამისი საბაკალავრო დონის განათლებით და აღჭურვოს იგი პროფესიული პასუხისმგებლობით, რაც გულისხმობს 1. შორეული აღმოსავლეთის რეგიონის მნიშვნელოვანი ენის – ჩინურის კომპეტენტური მომხმარებლის დონეზე ფლობას, რათა სინოლოგიის ბაკალავრმა შეძლოს. ჩინურ ენაზე წერა, საუბარი, თარგმნა, ინფორმაციის მოძიება-გადამუშავება; 2. ჩინეთის ისეთი სოციოკულტურული ასპექტების ცოდნას, როგორიცაა ქვეყნის ისტორია, კულტურა, ლიტერატურა, საზოგადოება, საერთაშორისო ურთიერთობები და სხვა, რათა პროგრამის დასრულების შემდეგ კურსდამთავრებულმა შეძლოს: ჩინეთისა და შორეული აღმოსავლეთის სხვა ქვეყნების ისტორიულ-კულტურული საკვანძო საკითხებისა და საზოგადოების განვითარების უახლესი პრობლემატიკის მიმოხილვა; 3. შორეული აღმოსავლეთის რეგიონში მიმდინარე სოციალურ-ეკონომიკურ და პოლიტიკურ პროცესებში ჩინეთის როლის განსაზღვრა-გაანალიზება; 4. ჩინური ლიტერატურის განვითარების ისტორიის გაანალიზება; 5. შორეულ აღმოსავლეთში გავრცელებული ფილოსოფიურ-რელიგიური მოძღვრებების იდენტიფიცირება და შედარებითი ანალიზი. აღნიშნული მიზნები სრულიად შეესაბამება საბაკალავრო საფეხურს და აძლევს სტუდენტს ისეთ ფართო დარგობრივ ცოდნას როგორც სინოლოგიის, ასევე ზოგადად, აღმოსავლეთმცოდნეობისა და ჰუმანიტარულ მეცნიერებათა სფეროში, სძენს მას ისეთ ზოგად ტრანსფერულ უნარებს, რომ ეს მიღებული ცოდნა და უნარები უზრუნველყოფდეს სტუდენტის დასაქმებას როგორც სასპეციალიზაციო, ისე მომიჯნავე სფეროებში.
სწავლის შედეგები	შორეული აღმოსავლეთი. სინოლოგიის საბაკალავრო პროგრამის ფარგლებში გამოყენებული სასწავლო კომპონენტები უზრუნველყოფენ შემდეგი შედეგების მიღწევას:
<i>ა) ცოდნა და გაცნობიერება</i>	პროგრამის კურსდამთავრებული 1. განსაზღვრავს სინოლოგიის დარგის მნიშვნელობას და მსჯელობს დარგის განვითარების სხვადასხვა მიმართულებაზე; 2. აღწერს ჩინური ენის ლინგვისტურ მახასიათებლებს და ნორმებს;



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	ავლენს ჩინური ენის ცოდნას კომპეტენტური მომხმარებლის დონეზე; 3. მიმოიხილავს შორეული აღმოსავლეთის რეგიონის ისტორიული, კულტურული, პოლიტიკური, სოციალურ-ეკონომიკური განვითარების ძირითად ეტაპებს და საზოგადოებრივი ცხოვრების მნიშვნელოვან მოვლენებს; 4. აღწერს და აანალიზებს შორეულ აღმოსავლეთში გავრცელებული ფილოსოფიურ-რელიგიური მოძღვრებების გავლენას სოციალურ-კულტურულ ცხოვრებაზე.
ბ) უნარები	5. ახდენს დარგობრივი პრობლემების, აქტუალური საკითხების იდენტიფიცირებას; 6. მოიძიებს და იყენებს ქართულ და/ან ჩინურ ენებზე არსებულ წერილობით, ზეპირ და სხვა სახის საინფორმაციო წყაროებს, ლიტერატურას, შესაბამის მულტიმედიურ და საბიბლიოთეკო რესურსებს; 7. ამყარებს კომუნიკაციას ჩინურ ენაზე, კითხულობს უცხო ტექსტს, გააჩნია წერითი და ზეპირმეტყველების უნარი ენის კომპეტენტური მომხმარებლის დონეზე; 8. აანალიზებს ჩინური საზოგადოების ისტორიულ-კულტურული განვითარების კანონზომიერებებს და სპეციფიკას საუკუნეთა სპექტრში; 9. მონაწილეობს დარგობრივ დისკუსიაში, მსჯელობს არგუმენტირებულად და თანმიმდევრულად ქართულ და/ან ჩინურ ენებზე; 10. განსაზღვრავს, განასხვავებს და აფასებს სხვადასხვა კულტურათა შორის არსებულ მსგავსება-განსხვავებებს, ქვეყნებს შორის ისტორიულ-კულტურულ და თანამედროვე მიმართებებს.
გ) პასუხისმგებლობა და ავტონომიურობა	11. ზრუნავს თავის აკადემიურ და პროფესიულ განვითარებაზე, ამჟღავნებს დამოუკიდებლად სწავლის, თვითორგანიზებისა და დროის მართვის უნარს; 12. პატივს სცემს ეროვნულ და უცხოურ ისტორიულ-კულტურულ-რელიგიურ ღირებულებებს; იცავს პროფესიული საქმიანობისას აკადემიური ეთიკისა და ქცევით ნორმებს, ახდენს აკადემიური კეთილსინდისიერების დემონსტრირებას. აღნიშნული შედეგები ლოგიკურად არის დაკავშირებული პროგრამის მიზნებთან და სწავლის სფეროს თავისებურებებთან. ეს შედეგები სრულიად შეესაბამება ეროვნული კვალიფიკაციების ჩარჩოს მეექვსე დონის კვალიფიკაციის სირთულეს.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

სწავლება-სწავლის მეთოდები	• ლექცია (ზეპირსიტყვიერი მეთოდი სტუდენტებთან უშუალო და თანამონაწილეობითი კონტაქტით); • დამოუკიდებელი მუშაობა • პრაქტიკული მეცადინეობა • ვერბალური და პრაქტიკული მეთოდები; • აუდიო-ვიდეო მასალების გამოყენება; • სტუდენტზე ორიენტირებული სწავლება; • აქტიური სწავლა; • როლური და სიტუაციური თამაშები; • წყვილში ან გუნდური მუშაობა; • საშინაო დავალება; • დისკუსია-დებატები • სემინარი • შუალედური და ფინალური შეფასება
შეფასების სისტემა	შეფასებათა სისტემა უშვებს ხუთი სახის დადებით შეფასებას: ა) (A) ფრიადი –შეფასების 91-100 ქულა; ბ) (B) ძალიან კარგი – მაქსიმალური შეფასების 81-90 ქულა; გ) (C) კარგი – მაქსიმალური შეფასების 71-80 ქულა; დ) (D) დამაკმაყოფილებელი – მაქსიმალური შეფასების 61-70 ქულა; ე) (E) საკმარისი – მაქსიმალური შეფასების 51-60 ქულა; არსებობს ორი უარყოფითი შეფასება: ვ) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით ხელახლა გამოცდაზე გასვლის უფლება; ზ) (F) ჩაიჭრა – მაქსიმალური შეფასების 40 ქულა და ნაკლები, სტუდენტს მნიშვნელოვანი სამუშაო აქვს ჩასატარებელი, ანუ საგანი ახლიდან აქვს შესასწავლი. FX-ის მიღების შემთხვევაში დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება სასწავლო კურსის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, ფორმდება F -0 ქულა. მინიმალურ შეფასებას წარმოადგენს 51 ქულა. გამოცდაზე დაშვების წინაპირობა: სტუდენტს სემესტრის განმავლობაში დაგროვილი უნდა ჰქონდეს <u>არანაკლებ 21 ქულა</u>. გამოცდა ჩაბარებულად ითვლება, თუ სტუდენტი აგროვებს დასკვნითი გამოცდის 50%.
დასაქმების სფეროები	კურსდამთავრებული შეიძლება დასაქმდეს როგორც საჯარო, ისე კერძო სექტორში. დასაქმების ძირითად სფეროებად მოიაზრება საგარეო საქმეთა სამინისტრო, ჩინეთის სახალხო რესპუბლიკის საელჩო საქართველოში, საქართველოს საელჩო ჩინეთის სახალხო რესპუბლიკაში, არასამთავრობო ორგანიზაციები, სვაჭრო კომპანიები, საგანმანათლებლო დაწესებულებები, ტურიზმის ეროვნული სააგენტო, საინფორმაციო სააგენტოები, ტურისტული კომპანიები, სასწავლო-სამეცნიერო ცენტრები და სხვ.
სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის	საქართველოს მოქალაქის სწავლას სრულად აფინანსებს სახელმწიფო; სხვა პირის სწავლის სახელმწიფოს მიერ დაფინანსების წესსა და პირობებს ადგენს საქართველოს მთავრობა.
პროგრამის განხორციელებისათვის საჭირო ადამიანური და მატერიალური რესურსი	პროგრამაში დასაქმებული პერსონალი არის მაღალკვალიფიციური. ყველას თავის სფეროში წლების განმავლობაში გარკვეული გამოცდილება აქვს დაგროვილი. ნანა გელაშვილი - ისტორიის მეცნიერებათა დოქტორი, ასოცირებული პროფესორი, პროგრამის ხელმძღვანელი ელენე მემმარიაშვილი - პროფესორი ნანი გელოვანი - პროფესორი;



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	მირინ მახარაძე - ასოცირებული პროფესორი; რევაზ გაჩეჩილაძე - პროფესორი; ირინე კოშორიძე - ასოც. პროფესორი; ქეთევან ხუციშვილი - პროფესორი მარინე ჯიბლაძე - ფილოლოგიის დოქტორი, მოწვეული ლექტორი, ანა გოგუაძე - თსუ დოქტორანტი, მოწვეული ლექტორი თეონა გელაშვილი - მოწვეული ლექტორი სოფიო გუგუნავა - სოციალურ მეცნიერებათა დოქტორი, მოწვეული ლექტორი მარინე ღუდუშაური - ეკონომიკის აკადემიური დოქტორი, თსუ მოწვეული ლექტორი შორეული აღმოსავლეთი, სინოლოგიის საბაკალავრო პროგრამის განმახორციელებელი თსუ ჰუმანიტარულ მეცნიერებათა ფაკულტეტის აღმოსავლეთმცოდნეობის ს/ს ინსტიტუტის მატერიალური და ტექნიკური რესურსები (სამუშაო ოთახები, კომპიუტერული ტექნიკა, დარგობრივი ბიბლიოთეკა, ინტერნეტი და სხვ.) სავსებით შეესაბამება საბაკალავრო პროგრამის მიზნებსა და შედეგებს. პროგრამის სტუდენტს შეუძლია ისარგებლოს როგორც საფაკულტეტო, ისე საუნივერსიტეტო სამეცნიერო ბიბლიოთეკებით და კომპიუტერული რესურსცენტრებით, რომლებიც უზრუნველყოფენ თავისუფალ წვდომას ციფრულ რესურსებსა და სამეცნიერო ლიტერატურის ელექტრონულ ბაზებზე. 2015 წლის თებერვალში საქართველოში ჩინეთის სახალხო რესპუბლიკის საელჩოსა და კომპანია „ჰუავეის“ ფინანსური მხარდაჭერით, თსუ მეხუთე კორპუსში გაიხსნა „ჩინური ენისა და კულტურის კაბინეტი“ უახლესი კომპიუტერული ტექნიკით (10 კომპიუტერი), მერხებით, კარადით. იმავდროულად, ჩინეთის საელჩომ თბილისის სახელმწიფო უნივერსიტეტს საჩუქრად გადმოსცა სასწავლო და სამეცნიერო ლიტერატურა ჩინურ, ევროპულ და რუსულ ენებზე - სულ 450 ერთეული. 2019 წელს საქართველოს სინოლოგიის ასოციაციამ თსუ მეხუთე კორპუსის 127-ე აუდიტორიას საჩუქრად გადმოსცა ჩინური ენის
--	---



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	სახელმძღვანელოები და საკანცელარიო ნივთები. აღნიშნულ კაბინეტ-აუდიტორიებში არსებული კომფორტული გარემო და რესურსები ხელს უწყობს სტუდენტების და ლექტორების მოტივაციის ამაღლებას და სასწავლო საქმიანობის ეფექტურ განხორციელებას.
პროგრამის ფინანსური უზრუნველყოფა	პროგრამის ფინანსური უზრუნველყოფა ხდება თსუ-ს ჰუმანიტარულ მეცნიერებათა ფაკულტეტის ბიუჯეტიდან, რომელიც უნივერსიტეტის ბიუჯეტის შემადგენელ ნაწილს წარმოადგენს. საფაკულტეტო ბიუჯეტი უზრუნველყოფს პროგრამის განხორციელებაში ჩართული აკადემიური პერსონალისა და მოწვეული ლექტორების შრომის ანაზღაურებას, პროგრამის მატერიალურ-ტექნიკური ბაზის მოვლასა და სრულყოფას, პროგრამის ფარგლებში დაგეგმილი სამეცნიერო და საგანმანათლებლო ღონისძიებების ჩატარებას.
დამატებითი ინფორმაცია (საჭიროების შემთხვევაში)	